

**Protocol no. 103**  
**Sezzüda da mardi, 14 gün 2011, 20.00 – 22.45**

**Preschaints:** Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Tractanda: 540 Andri Lansel, Cla Sarott e Domenic Augustin (cumischiun sindicatoria), Mario Riatsch (silvicultur)

Il capo salüda a tuot ils preschaints. Il capo e'ls cusgliers repassan il quint da gestiun e d'investiziun chapitel per chapitel. Il Cussagl piglia cogniziun da las spiegaziuns detagliadas dal silvicultur. Il contabel preschainta il bilantsch e muossa via sün ün pêr puncts. Il quint da gestiun e d'investiziun e'l bilantsch cumünal pel 2010 nun han dat andit da far correcturas. Eventualas remarchas sun notadas aint il rapport intern da la cumischiun sindicatoria. La cumischiun sindicatoria propuona da suottametter il quint dal 2010 sco preschantà.

Il Cussagl cumünal piglia incunter ils tschögns da la cumischiun sindicatoria. Tanter oter es gnü fat la proposta dad augmentar pel nouv trienni las remuneraziuns pel officiants cumünals. Il capo ingrazcha fich, a la cumischiun sindicatoria, per la buna collavuraziun e per la lavur prestada. In connex cullas elecziuns cumünalas infuormescha Andri Lansel e Domenic Augustin ch'els as mettan amo üna jada a disposiziun per quista carica. Cla Sarott orientescha ch'el nu's metta plü a disposiziun.

Il Cussagl cumünal decida:

1. da suottametter a la radunanza cumünala, il rendaquint cumünal per l'on 2010, chi serra giò cun entradas da fr. 8'317'241.79 e sortidas da fr. 8'266'610.72 e davo resguardà amortisaziuns ordinaras e supplementaras da fr. 955'903.75 cun ün vanz da fr. 50'631.07.
2. da suottametter a la radunanza cumünala, il quint d'investiziuns pel 2010 chi serra giò cun ün'investiziun netta da fr. 1'654'221.04.

**Protocol**

Il protocol no. 102 da la sezzüda dals 6 gün 2011 vain approvà.

**901 021**

**FABRICA**

**Cla Demonti – Chamonna d'aviöls – Prà da Chomps**

Cla Demonti dumonda sch'el po plazzar sia chamonna d'aviöls sül Prà da Chomps ingiò cha Barnabà Demonti vaiva sia chamonna.

Il Cussagl cumünal decida da gnir incunter a la dumonda.

Taxa da trattamaint: fr. 50.--

**902 021**

**FABRICA**

**Armon Schmidt – Puntinada renovaziun fatschada - Chasellas**

Sün dumonda da sar Armon decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda inoltrada e fatta buna.
2. Per chi's riva da trafichar inavant culs autos a Chasellas sto la puntinada gnir eretta cun üna construcziun chi penda.
2. Taxa da trattamaint da fr. 50.--.

**903 021**

**FABRICA**

**Otto Scandella – Chasa nouva (3 abitaziuns) – Saranschasch**

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:

- taxa da trattamaint			fr. 1'400.--
- taxa d'attach d'aua, prov.	1.5	%	fr. 21'000.--
- taxa d'attach chanalizaziun e sarinera, prov.	2.0	%	fr. 28'000.-- excl. ipv.
- taxa d'attach provedimaint electric, prov.	1.0	%	fr. 14'000.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Il quint dal Chantun per las fouras geotermicas importa fr. 200.--.
5. Las indicaziuns da la pulizia da fö sun part integralas dal permiss da fabrica.
6. La culur da la fatschada e dals quadrels dal tet e'l sgraffito han da gnir preschantats avant sco fabricar a la cumischiun da fabrica.

**904 810.501.29**

**Sanaziuns vias da god**

**Cuntschet in Val Sinestra**

Il scchef da god orientescha ch'ün cuntschet chi sgüra la via da Sinestra (avant Chavriz) saja suotaint marsch. Causa cha quista lavur es fich urgiainta vain quista lavur integrada aint il proget da las sanaziuns da las vias da god da quist on. Uschè cha ün'otra lavur vain spostada sün quist on chi vain. L'acconsentimaint dal Uffizi da god es avantman.

**905 700**

**PROVEDIMAIN D'AUA**

**Zonas da funtan**

Il scchef da fabrica orientescha chi fetscha da bsögn da zavrar oura las zonas da protecziun per las funtan dal provedimaint d'aua. Tenor ledscha es il cumün in dovair da laschar zavrar oura zonas per funtan chi stan in ün interess public.

Il Cussagl cumünal decida da surdar quista lavur a la firma Geomerz, Scuol, pel predsche d'offerta da fr. 8'000.-- sainza ipv (tet da cuosts).

**906 217**

**CHASA DA SCOULA**

**Pulizia gronda da la chasa da scoula**

La scchafa da scoula orientescha chi's vuol far d'urant las vacanzas da scoula üna pulizia plü gronda da la chasa da scoula. Ella organisescha per quella lavur duos nettiadras.

L'actuar: